

ԳՐԱՆՈՍՈՒԹՅՈՒՆ

«ՎԱՐԴԱՆԱՆՑ ՊԱՏԵՐԱԶՄԸ»¹

5-րդ դարի հայ ազատագրական շարժումների պատմությունը շուրջ 200 տարի է, ինչ դարձել է պաամաբանասիրական ուսումնասիրության թեմաներից մեկը: 5-րդ դարի հայ ազատագրական շարժումների պատմությունը զբաղվել են ոչ միայն մասնագետ պատմաբանները, այլև բանասերները, հրապարակախոսները, գրականագետները, լեզվաբանները, դրամատուրգները: Ինչպես անցյալում, այնպես էլ մեր օրերում զբվել ու հրապարակվել են բազմաթիվ աշխատություններ, գրքեր, պատմական վեպեր, պիեսներ և բանասիրական գործեր: Մասսայական հետաքրքրությունը դեպի 5-րդ դարի հայ ազատագրական շարժումները շատ բնական ու հասկանալի է. 5-րդ դարում հայ ժողովուրդը զենքը ձեռքին պաշտպանեց իր հայրենիքի պատիվը, փառքը, անկախությունը, պետական ինքնուրույնությունը: Շուրջ 400 տարի երկու բռնակալ աշխարհները՝ Հույուն և Պարսկաստանը, իսկ ավելի ուշ բյուզանդական հպարտ կայսրությունը և գոռոզ ուսանյալները համառ, հետևողական և դաժան պայքար ծավալեցին Հայաստանը բաժանելու, տնտեսապես ջլատելու, քաղաքականապես տկարացնելու, հայ ժողովրդին ֆիզիկապես ոչնչացնելու համար: Հայաստանի այդ կատաղի երկու հարձակումները դիմեցին զենքի, դիվանագիտական խարդախ խաղերի և՛ երբ դառն իրականություններ նրանց համոզեց, որ անկարող են խորտակել հայ ժողովրդի համառ կամքն ու իր հայրենիքի անկախության համար պայքարելու պատրաստակամությունը, այն ժամանակ «անողորմ» և չար, տկար և թուլամորթ ազգն հունաց...² դիմեց իր դարավոր նենգ, ստոր և խարդախ քաղաքականությանը: Բյուզանդացիները, ինչպես վկայում է Փավստոսը, դիմեցին պարսիկներին, ասելով... «ի միջի մե-

րում բնակեալ է այս հզօր և հարուստ թագաւորութիւն. յա՛վ է զի այսու եղծանել և խանդարել կարասցուք զայս թագաւորութիւնս, նախ ընդ երկու բաժանել երկու թագաւորօրս արշականօր, զօրս կացուցար, ապա ընդ նոսա կըրծել շանասցուք, աղքատացուցանել, ի մէջ արկանել ի ծառայութիւն. զի մի կարացեն ի մէջ մեր ամբառնալ զգլուխսս:»¹

Հայաստանը բաժանելու, նրան տնտեսապես և քաղաքականապես տկարացնելու պարսկա-բյուզանդական քաղաքական այս ծրագիրը, ինչպես հայտնի է, պատմական իրականություն դարձավ 385-87 թվերին, երբ բյուզանդական կայսր Թեոդորոս առաջինը (379—395 թ. թ.) և պարսկական բռնակալ Շապուհ 3-րդը (384—388-89 թ. թ.) փոխադարձ համաձայնությամբ բաժանեցին պատմական Հայաստանը: Հայաստանը երկու մասի բաժանելուց հետո, ինչպես վկայում է Փ. Բյուզանդացին «...բազում գաւառք յերկուցունցն հատան, նուազեաց բաժանեցաւ ցրուեցաւ թագաւորութիւն հայոց, պակասեաց յիւրմէ մեծութենէն յայնմ ժամանակ և յապայս:»²

Պատմական Հայաստանի լավագույն մասը՝ (1/3) 387 թ. դաշինքի հետևանքով անցավ Պարսկաստանի «դառն բռնաւոր» լծի տակ:

Սակայն այդ դեռ բոլորը չէր: 390—391 թվերին, Արշակ թագավորի մահից հետո, բյուզանդական կայսրությունը ոչնչացրեց հայ Արշակունիների խղճուկ մնացորդները: Բյուզանդական Հայաստանում, իսկ 428-29 թվերին պարսկական արքունիքն իր հերթին ոչնչացրեց հայ Սրշակունիների դինաստիան՝ Արեւելյան կամ Պարսկական Հայաստանում: 4-րդ դարի վերջերին և 5-րդ դարի սկզբներին հայ ժողովրդի դիւին կախվեց մահացու վտանգ:

Ամբողջ 4-րդ և հատկապես 5-րդ դարերում հայ աշխատավոր ժողովուրդը սուրբ ձեռքին կատաղի պայքարի դուրս եկավ թշնամիներ-

¹ Հ. Հարությունյան, «Վարդանանց պատերազմը», Երևան, 1947 թ. հրատարակությունը ՀՍՍՌ Պետական հեռակա մանկավարժական ինստիտուտի. 182 էջ:

² Մ. Ուռեայեցի, «Ժամանակագրություն», Երուսաղեմ, 1869 թ. էջ 112—113:

¹ Փ. Բյուզանդացի, «Պատմութիւն հայոց», ՍՊԲ, 1883 թ., էջ 222:

² Նույն տեղը:

րի ղեմ. նա ոտքի ելավ պաշտպանելու իր հայրենիքի փառքը, անկախութիւնը, ազատութիւնը ժողովրդական մասսաների այդ հերոսական պայքարն էր, որ հայ ժողովրդին ոչ միայն փրկեց ֆիդիկական ոչնչացումից, այլ և՛ շնայած դաժան պայմաններին, նա կարողացավ ոտի կանգնել, անսովոր փառքով պսակել իր պատմական ուղին: Լկվելին: Հայ ստեղծագործ ժողովուրդը տվեց բազմաթիվ տաղանդավոր գործիչներ, հրապարակախոսներ, պատմագետներ, զորավարներ, գուսաններ: Եվ այս փայլուն համաստեղութեան մեջ ամենապայծառ մնաց յնքոր ժողովուրդը: Լկյս է հիմնականն ու ղլխավորը, որ շուրջ 200 տարի հուզել է հուզում են հետազոտողներին՝ 4-րդ և 5-րդ դարերի պատմական դեպքերը, 5-րդ դարի պատմական դեպքերի մեջ «Վարդանանց պատերազմը» գրավում է իր ուրույն տեղը: Սակայն «Վարդանանց պատերազմը» տարբեր դասակարգերի ներկայացուցիչների մոտ ստացել է տարբեր գնահատական:

Հայ կղերա-ֆեոդալական պատմագրութիւնը սկսած Մ. Չամչյանից և ավարտած ինչ բուրժուական պատմագրութեան հանդես դալը, կատարելով հայ լուսավորչական եկեղեցու և նախարարական-ֆեոդալական դասերի քաղաքական ու սոցիալական պատվիրը, ամեն կերպ ձգտել է ապացուցելու, որ «Վարդանանց պատերազմը» հանդիսացել է «առաջին կրոնական մեծ պատերազմը», որի նպատակն է եղել, իբր թե պաշտպանել հայ եկեղեցու փառքը և պատիվը: Մ. Չամչյանը իր «Պատմութիւն հայոց» եռահատոր աշխատութեան երրորդ հատորը նվիրել է 5-րդ դարի դեպքերին և աշխատել է պատմականորեն «ապացուցելու», որ «Վարդանանց պատերազմը» մղվել է հայ եկեղեցու սկզբունքները՝ բարրարոս պալսական զրադաշտական կրոնի ոտնձգութիւններից պաշտպանելու համար: Հետազայում կղերա-ֆեոդալական համարյա բոլոր պատմաբանները կուրորեն կրկնել են Մ. Չամչյանի այս կարծիքը:

19-րդ դարի երկրորդ կեսերից սկսած, երբ հանդես եկավ հայ բուրժուական պատմագրութիւնը, նրա առաջավոր ներկայացուցիչները մի քայլ առաջ անցան իրենց նախորդներից:

Բուրժուական պատմագրութեան ներկայացուցիչներ Գարազայանը,¹ Աղոնցը,² Կուլե-

սերյանը,¹ Լկինյանը,² Փորթուզալ փաշան³ և ուրիշները փորձեցին կատարեցին «Վարդանանց պատերազմը» ներկայացնելու, որպես սոցիալական ավելի խորը դրդապատճառների արդյունք, քան իրենց նախորդները:

Լկյսպես, օրինակ, Մ. Գարազայանն իր աշխատութեան շորրորդ հատորում առաջին անգամ դուրս եկավ այն սովորական և տիրապետող կարծիքի ղեմ, որ, իբր «Վարդանանց պատերազմը» կրոնական պատերազմ էր: Գարազայանը 5-րդ դարի դեպքերին տվեց նախարարական-ֆեոդալական բնույթ: Հաղկերտ 2-րդը, — գրում է նա, — նպատակ էր դրել ոչ միայն հայերին զրադաշտական դարձնել, այլև սահմանափակել հայ նախարարների դարավոր իրավունքներն ու արտոնութիւնները: Հաղկերտ 2-րդի այդ քաղաքականութիւնը 5-րդ դարի շարժումների պատճառը դարձավ:

Հետադայում Ն. Աղոնցն իր «Марзбан Васак перед судом историков» հոդվածում դարգացնելով Գարազայանի այդ դրույթը, հանգեց այն եզրակացութեան, որ «Եղիշեի մոտ եղած մի շարք վկայութիւնները ցույց են տալիս, որ 5-րդ դարի խոսվութիւնները ունեցել են ոչ միայն կրոնական, այլ սոցիալական բնույթ»:

Մինչ սովետական պատմագրութիւնն այս Լրկու կարծիքները տիրապետող և սովորական կարծիքներ էին: Լկնցյալ պատմագրութեան սրմատական թերութիւնն այն էր, որ նրա ներկայացուցիչները «Վարդանանց պատերազմի» պատմութիւնը մեկուսացրել, կտրել էին իր սոցիալական հիմքից, հասարակական և քաղաքական կացութիւնից, այն կոնկրետ միջավայրից, որտեղ ծնվեցին, ձևավորվեցին և ծավալ ստացան 5-րդ դարի դեպքերը:

Կ. 2. Հարութիւնյանը իր «Վարդանանց պատերազմը» ոչ մեծածավալ աշխատութեան մեջ, փորձ է կատարում հաղթահարելու այդ դժվարութիւնները և 5-րդ դարի ազատագրական շարժումները կապում է Հայաստանի սոցիալ-տնտեսական, քաղաքական դեպքերի պատմութեան հետ և այդ ֆոնի վրա էլ գնահատում է 5-րդ դարի դեպքերը: Սա անկասկած հեղինակի առավելութիւնն է: Հեղինակի աշխատութեան 1—9-րդ գլուխները՝ (էջ 3—

¹ Բ. Կուլեւսկայան, Եղիշե, քննական ուսումնասիրութիւն, Վիեննա, 1909 թ.:

² Ն. Վ. Ակիթյան, «Եղիշե վարդապետ և իւր պատմութիւն հայոց պատերազմի...» (աես Հանդես Ամսօրյա 1931—34 թ.):

³ Փորթուզալ փաշա, «Եղիշե Վարդապետ և իւր Վարդանանց պատերազմը», Կ. Պոլիս, 1903 թ.:

¹ Մ. Գարազայան, Քննական պատմութիւն հայոց, 5, 4-րդ:

² Ն. Աղոնց, Марзбан Васак перед судом историков (աես «ЗВРАО т. XV, вып. 4, стр. 0121—0130»).

82) Նվիրված են Հայաստանի սոցիալ-տնտեսական-քաղաքական պատմութեան հարցերին, հատկապես, «Վարդանանց պատերազմի» ընդհանուր նախադրյալների պատմութեանը: Հեղինակը աշխատութեան այս բաժինների մասին մենք ունենք մի դիտողութիւն: Բանն այն է, որ ընկ. Հարութիւնյանը մոտ 80 էջերի վրա շարադրում է ոչ միայն Հայաստանի, այլև Առաջավոր Ասիայի և Հայաստանին հարևան այլ պետութիւնների (Բյուզանդիա) պատմութեանը և այդ է պատճառը, որ աշխատութեան այս գլուխները շարադրված են սխեմատիկ և նույնիսկ կան մասեր, որոնք ոչ մի առնչութիւն չունեն առաջադրված նպատակի հետ: Այսպես, օրինակ՝ հեղինակը 3—11 էջերում շարադրում է «Հայաստանի քաղաքական կացութիւնը 4-րդ դարի վերջերին և 5-րդ դարի սկզբներին», ապա 33-րդ էջում դարձյալ անդրադառնում է այդ դեպքերին՝ միայն այլ վերնագրի տակ՝ «Հայաստանի ներքին քաղաքական դրութիւնը Արշակունիաց պետութեան անկումից մինչև Հաղկերտ 2-րդի գահակալութիւնը»:

Մէջ թվում է, որ հեղինակը սխալվել է, երբ Հայաստանի քաղաքական կացութիւնն աւջատում է նրա ներքին վիճակից: Բացի այդ, կարծում ենք, որ ավելորդ են այն գլուխները, որոնք նվիրված են «Զրադաշտական կրօնի էությունը» (էջ 46—52) և «Հայ գրականութեան դերը իրանիզացիայի դէմ պայքարելու գործում» (էջ 40—46): Ավելին, Հեղինակը հայոց գրերի և գրականութեան առաջացման պատմութիւնը կտրել է իր սոցիալական հիմքից և շարադրել է իրապես գոյտ քաղաքական» երևոյթ:

Հեղինակի կարծիքով, երբ 387 թ. Տիգրանի դաշինքով Հայաստանը բաժանվեց երկու մասի և հայ ժողովուրդը կորցրեց իր քաղաքական անկախութիւնը, երբ Հայաստանի երկու մասերը անջատվեցին տնտեսապես, քաղաքականապես և կուլտուրապես, ահա «այդ ժամանակ Հայաստանում առաջավոր մարդկանց շրջանում զարգացում է այն գաղափարը, թե անհրաժեշտ է ստեղծել այնպիսի մի միջոց, որը հնարավորութիւն տա Հայաստանի երկու մասերի մէջ քաղաքական և կուլտուրական միասնական կապ ստեղծելուն» (էջ 40): Այդ միջոցն ըստ հեղինակի հանդիսացել է գրերի գյուտը: Իրերի գյուտը և բրիստոնեութեան մուտքը ոչ միայն կուլտուր-քաղաքական երկու վոյթ էր, այլ պատմական Հայաստանի էկոնոմիկայի, ֆեոդալական արտադրական ուժերի և արտադրողական հարաբերութիւնների զարգացման անխուսափելի հետևանքը: Զպետք է երբեք մոռանալ, որ բրիստոնեութիւնը հայ-Տեղեկագիր Ծ—Ծ

կական ֆեոդալիզմի զարգացման անխուսափելի արդյունքը հանդիսացավ:

4-րդ և 5-րդ դարերում ֆեոդալիզմի բուռն աճը անմիջական պահանջ էր առաջադրում արմատական փոփոխութիւններ մտցնել նաև իդեոլոգիայի ընդգծմանում: Հայ ֆեոդալական-նախարարական դասը շատ լավ էր հասկանում, որ ֆեոդալական կենտրոնացված պետականութեան ամրացման և հզորացման գործում անհրաժեշտ միջոցներից մեկը հանդիսանում էր բրիստոնեութիւնը: Այս էր հիմնական պատճառը, որ 4-րդ դարի վերջերին հայ ֆեոդալական դասը ընդունեց բրիստոնեութիւնը, որպես պետական պաշտոնական կրօն: Սակայն այդ դեռ բոլորը չէր: Բրիստոնեութեան մուտքի հետևանքով հայ ֆեոդալական դասը ձեռք բերեց գաղափարական պայքարի բանավոր հզոր մի զենք, սակայն հարկավոր էր նաև գրավոր պրոպագանդան, հարկավոր էր մայրենի լեզվով գիր ու գրականութիւն, դպրութիւն: հրավոր պրոպագանդայի հիմնական միջոցը, ինչպես հայտնի է, հանդիսացավ գրերի գյուտը: Հասկանալի է, որ գրերի գյուտին մեծապես նպաստեց անկասկած գրադաշտութեան և հեթանոսութեան դեմ պայքարի անհրաժեշտութիւնը: Սակայն այս հետևանքն էր և ոչ պատճառը: Հեղինակն իր աշխատութեան այդ մասում պատճառը շփոթել է հետևանքի հետ: Զի կարելի համաձայնել հեղինակի նաև այն դրույթի հետ, թե իբր 5-րդ դարը հանդիսացավ հայոց գրականութեան ռուկն դարը:

Ընդհակառակը: Մատենագիրների մանրամասն և գիտական հետազոտութիւնը ցույց է տալիս, որ 5-րդ դարը հայ ժողովրդի պատմութեան ամենամոռայլ, ամենադաժան և մենք կասեինք ողբերգական դարերից մեկն է: Այդ պատմական այն էպոխան էր, երբ հայ ժողովուրդը զրկվել էր իր պետականութիւնից, կորցրել իր քաղաքական ինքնավարութիւնը, հրապարակի վրա դրված էր նրա ֆիզիկական գոյութեան լինել չլինելու հարցը: Ավելին, նրա երկու բունակալ հարևանները՝ Պարսկաստանը և Բյուզանդիան, համառ և հետևողական քաղաքականութիւն էին վարում Հայաստանը ձուլելու, նրան պատմութեան թափերարեմից դուրս վանելու համար: Հայ աշխատավոր ժողովուրդը, սամիկն ու շինականը 5-րդ դարի պատմիչների վկայութեամբ, հյուծվում էր ոչ միայն յտար, այլ և սեփական շահագործող դասերի կրկնակի լծի և ծանր ու անօրինակ հարկերի տակ: Հայ ժողովուրդը 5-րդ դարում դեռ շատ հետամնաց էր, տրոհված՝ քաղաքականապես: Հեղինակը փոխանակ վեր հանելու հայ աշխատավոր ժողովրդի տրագիկ վիճակի պատմու-

թյունը, փոխանակ հանգամանորեն շարադրելու ժողովրդական մասսաների իսկական, գիտական և ճշմարիտ պատմությունը, կրկնում է հայ տրագիկոն պատմագրության կողմից դեռ չափազանց դատապարտված սնանկ տեսությունը — հայ պատմության եռակն դարի մասին: Այս է ընկ. Հ. Հարությունյանի աշխատության առաջին մասերի հիմնական թերությունը: Եվ վերապես, այս բաժնի մասին խոսելիս, ավելորդ չենք համարում մատնանշելու, որ ընկ. Հարությունյանը ավելորդ աշխատանք է կատարել ու Եղիշեի օրինակով շարադրել «Մագդեղիզմի էություն» պատմությունը:

Հեղինակի աշխատության 83-րդ էջերից է, որ սկսվում է «Վարդանանց պատերազմի» իսկական պատմությունը: Այս բաժնում ընկ. Հարությունյանը հաջող փորձ է կատարում շարադրելու «Վարդանանց պատերազմի անմիջական պատճառները»: Վկայակոչելով հայ մատենագիրներին և առանձնապես Եղիշեին ու Ղ. Փարպեցուն, հեղինակը փորձում է թափանցելու 5-րդ դարի ազատագրական շարժումների սոցիալական դրդապատճառների մեջ և այդ հիմքի վրա էլ տալ 5-րդ դարի ազատագրական շարժումների սոցիալական գնահատականը:

Սասանյանները 5-րդ դարում դիմում են վճռական և կոնկրետ միջոցների՝ Հայաստանը ձուլել Պարսկաստանի մեջ, դարձնել նրա նահանգներից մեկը: Այդ քաղաքականությունը առաջ է տանում հատկապես պարսկական թագավոր Հազկերտ 2-րդը:

Եղիշեի և Ղ. Փարպեցու վկայությամբ Հազկերտ 2-րդը 449 թ. Հայաստան է ուղարկում իր աշխարհագիր Դենշապուհին, որը «թեպետ և վերին երեսս կեզծաւոր էր, այլ ի ներքոյ խորհուրդք շարագոյն ցուցանէին»:

Առաջին, գազատութիւն եկեղեցւոյ արեւսնէր ի ծառայութիւն:

Եւնւստո, միայնակեաց քրիստոնեայք որ բնակեալ էին ի վանորայս, ընդ նովին աշխարհագրաւ չարկ:

Եւրագղ, գհաւկ աշխարհին առաւել ծանրացոյց:

Չարագղ, զնախարարեանն բանսարկութեամբ արկ ընդ միմեանս, և յամենայն տան արար խոռվութիւն: Եւ զայս ամենայն առնէր, զի թերևս զմիաբանութիւնն բակտեսցէ, և զուխտն և կեղեցւոյն ցրուեսցէ, և զմիայնակեացսն փախուսցէ, զի նականսն վատնեսցէ և առ յայժս յղատութեանն ակամայ դիմեսցեն յօւրնս մագդուց:

Եւ ևս շարագոյն հինգերորդն. քանդի որ հազարապետն էր աշխարհին՝ իբրև զհայր վերականցու համարեալ էր աշխարհականացն

քրիստոնէից... և հանեալ զնա ի գործոյն փոխանակ նորա պարսիկ ած յաշխարհն, և մեւս ևս մոգպետ դատաւոր աշխարհին...»:

Ապա Եղիշեն՝ խոսելով Հայաստանի բոլոր դասերի ծանր կացության և խիստ հարկերի մասին, եզրափակում է. «... Քանդի ուստի արժան էր առնուլ հարիւր դահեկան, նոյնչափ կրկնէին և առնուին. սոյնպէս և եպիսկոպոսաց և երիցանց դնէին, ոչ միայն շինաց այլ և անբակաց: Նա ընաւ ո՞վ իսկ կարէ պատմել վասն ծանրութեան մտից և սակից, բաժից և հասից, լերանց և դաշտաց և մայրեաց: Ոչ ըստ արքունի արժանավորութեանն առնուին, այլ հինաբար յափշտակելով, մինչև ինքեանք իսկ մեծապէս դարմանային թէ ուստի այս ամենայն պանծ ելանէ զի՛արդ շէն կայցէ աշխարհն Հայաստանեայցս»¹:

Ակնհայտ է, որ Հազկերտ 2-րդի և՛ հարկային, և՛ սոցիալական քաղաքականությունը շրջափում է Հայաստանի բոլոր դասերի, հասարակական բոլոր խավերի և՛ տնտեսական և քաղաքական իրավունքները: Ընկ. Հարությունյանը վկայակոչելով Եղիշեի այս ուշագրավ և խիստ արժեքավոր վկայությունը, եզրակացնում է. «Սասանյան Պարսկաստանի նման քաղաքականությունը... հետապնդում էր երկու գլխավոր նպատակ, առաջին՝ սահմանափակել հայ նախարարների և հոգևորականների դարավոր իրավունքները, ավելացնել երկրի հարկերը և սաստկացնել կեղեքումները, իսկ երկրորդ՝ վերացնել հայերի ինքնավարությունը, կուլտուրական և կրոնական ինքնուրույնությունը, դրանով սասանյան արքունիքը փաստորեն սպառնում էր Հայաստանի վարչական անկախությանը... Սրանք են այն արմատական պատճառները, որ հայերին մղեցին դեպի 451 թ. պատերազմը» (էջ 89):

Հեղինակի եզրակացությունը ամբողջապես չի արտահայտում Եղիշեի վկայության բուն էությունը: Ստացվում է այն տպավորությունը, որ Հազկերտ 2-րդի քաղաքականությունն իր սուր ծայրով ուղղված էր հատկապես նախարարական եկեղեցական դասի և ոչ թե հայ աշխատավոր ժողովրդի՝ ռամիկի ու շինականի դեմ: Հեղինակը մեզ համար անհասկանալի պատճառով ընթերցող հասարակության ուշադրությունը չի կենտրոնացնում Եղիշեի վկայության այն մասի վրա, որտեղ նա այնքան արտահայտիչ կերպով խոսում է հայ շինականի ողբալի վիճակի մասին: Երբ Եղիշեն գրում է, որ Հայոց աշխարհի հարկերն ավելի ծանրացան և այդ հարկերը հավաքվում էին ավազակաբար,

¹ Եղիշե, «Պատմութիւն Վարդանանց», Մոսկվա, 1894 թ. էջ 26—27:

ապա դա ընդհանուր, վերացական հասկացողություն չէ, այլ կոնկրետ իրականություն: Ավելին, հայտնի է, որ մինչ Դենշապուհի աշխարհագիրը հայ իշխող դասերը ազատ էին պարսկական հարկերից և հարկերը ամբողջապես դրվում էին աշխատավոր ժողովրդի վրա: Բացի այդ՝ եթե «Վարդանանց պատերազմի» պատմությունը հետադոտող հեղինակը հանգամանորեն չի շարադրում 5-րդ դարի հայ ժողովրդական մասսաների վիճակն ու կացությունը, ապա ինքնըստինքյան հասկանալի է, որ մենում է չպարզաբանված 5-րդ դարի շարժումների ժողովրդական էությունը:

Հսկվելով 2-րդի վերոհիշյալ քաղաքականության դեմ հանդես եկան Հայաստանի բոլոր դասերը. հասարակական բոլոր խավերը. յուրաքանչյուրը փորձեց 5-րդ դարի շարժումներն ոգտագործել իր քաղաքական շահերի, տնտեսական արտոնությունների համար: Եթե հայ իշխող դասերը՝ հոգևոր և աշխարհիկ ֆեոդալները — պայքարում էին պահպանելու համար իրենց դարավոր արտոնությունները և պապական իրավունքները, ձգտում էին՝ խորտակելով պարսկական արքունիքի դիմադրությունը վերականգնել շահագործման դաժան լուծը հայ աշխատավոր ժողովրդի վրա, ապա 5-րդ դարի հայ աշխատավոր ժողովուրդը պայքարում էր և՛ օտար և՛ սեփական շահագործող դասերի քաղաքական տիրապետության դեմ, նա պայքարում էր իր ողբերգական վիճակը թեթևացնելու համար: 5-րդ դարի ազատագրական շարժումների այս երկակիությունը մենք իրավունք չունենք աչքաթող անելու, եթե իսկապես ցանկանում ենք օրենսդրական, գիտականորեն շարադրել «Վարդանանց պատերազմի» պատմությունը: Կրկնում ենք, «Վարդանանց պատերազմի» շրջանում Հայաստանի զանազան դասերը ունեին տարբեր շահեր և նպատակներ: Սոցիալական և քաղաքական տարբեր կացության մեջ գտնվող հայկական դասերը հանդես եկան միասնաբար և կրոնական բողոք տակ:

Բայց կրոնական բողոք մեզ չպետք է երբեք թյուրիմացության մեջ գցի և այդ բողոք տակ մենք պետք է տեսնենք զանազան դասեր — իրենց նպատակներով և ձգտումներով: Այս կապակցությամբ չի կարելի համաձայնել հեղինակի այն սխալ, մենք կասեինք վտանգավոր դրույթի հետ, որ իբր «Ստաբեկրյա նվաճողների լուծր քոթափելը ստիպել է ժողովրդին իշխանների հետ միասին հանդես գալ այդ նվաճողների դեմ իր սեփական երկիրը պաշտպանելու և անկախություն ձեռք բերելու համար: Վերահիշյալ պայմանը 2000 տարվա ընթացքում խթանի ֆակտորներից մեկն է եղել

հայ ժողովրդի պատմության, մի ճանգամաճ, որն հաճախ ստվերի մեջ է թողել, կամ թե մեծ տին գծի վրա է մղել պայքարի առաջին ուղիությունը»¹ (կարդա՝ դասակարգային պայքարը — Ս. Հ. — ընդգծումն իմն է):

Սակայն այս դեռ բոլորը չէ, ըստ հեղինակի՝ «Պայքարի երկու ուղիությունը (կարդա՝ ազատագրական պայքարը) կազմել է հայ ժողովրդի պատմության սպեցիֆիկ կողմը, որն անտեսվել է հայագետ պատմաբանների կողմից» (էջ 171): Մեզմ ասած՝ հեղինակը կանգնած է դասակարգային պայքարի ժխտման տեսակետի վրա, ոչ միայն 5-րդ դարի ազատագրական շարժումների, այլ հայ ժողովրդի շուրջ 2000 տարվա պատմության ողջ ընթացքում:

Ժխտել դասակարգային պայքարը կամ թե համարել այն հայոց պատմության երկրորդական կողմը, նշանակում է, չըմբռնել պատմության զարգացման օրինաչափությունը, չհասկանալ, որ պատմության (այդ թվում հայ ժողովրդի պատմության) շարժիչ ուժը հանդիսացել է դասակարգային սուր պայքարը՝ սկսած դասակարգային հասարակության ծագման շրջանից, ավարտած նրա խորտակման ողջ ժամանակաշրջանում: Ժխտել դասակարգային պայքարը և այն փոխարինել ազատագրական պայքարի թեզով, նշանակում է հայ ժողովրդի պատմական անցյալը իդեալականացնել, այն ներկայացնել առանց դասերի, ներկայացնել որպես միասնական մի զանգված, որտեղ իբր թե չեն եղել դասակարգային սուր հակամարտություններ և ամեն ինչ ընթացել է անդորր ու խաղաղ վիճակում: Այս վտանգավոր տեսակետը պետք է մերժվի և խիստ կերպով դատապարտվի:

Ընկ. Հ. Հարությունյանը իդեալականացրել է հայ ֆեոդալական դասի և հատկապես լուսավորչական եկեղեցու դերը 5-րդ դարի ազատագրական շարժումների ժամանակ: Նրա աշխատության 100—114-րդ էջերից այն տպավորություն է ստացվում, որ ազատագրական շարժումների և՛ կազմակերպիչը և՛ ղեկավարը հանդիսացել են այդ դասերը:

«Հայկական բանակի հետ,— գրում է հեղինակը,— Ավարայրի դաշտ էին գնացել կանայք, աղջիկներ, հոգևորականները Հովսեփ կաթողիկոսի գլխավորությամբ, ինչպես նաև Ղևոնդ երեցը կովոդներին ոգևորելու և պատերազմի՞ն ճամաժողովրդական բնույթ տալու համար» (էջ 131, ընդգծումն իմն է — Ս. Հ.):

Ստացվում է այն տպավորությունը, որ պատերազմը մինչև Ավարայրի ճակատամարտը

¹ Վարդանանց պատերազմը, էջ 172:

համաժողովրդական բնույթ չունեն և Հովսեփ Եպիսկոպոսն ու Ղևոնդ Երեմյան լին, որ նրան չհամաժողովրդական բնույթ տվեցին: Սակայն պատմական իրականությունն այլ է, քան կարծում է հեղինակը:

Ի՞նչ Եղիշի է՝ Դ. Փարպեցու վկայություններով Հայաստանում տարերային, մասսայական շարժումները և ժողովրդական հուզումները սկսվել լին դեռ Ավարայրից, նույնիսկ նախարարների Տիգրանից վերադառնալուց շատ առաջ: Եղիշին վկայում է, որ երբ Հայաստանում լուր է ստացվում նախարարների դավաճանափոխության մասին և այն մասին, որ Հաղկերտ 2-րդը ձգտում է ռազմական արշավանք Անտարկիս դեպի Հայաստան թզրազմութիւն արանց և կանանց, շինականաց և ազատաց, զքահանայից և զմենակեցաց... կազմեցաւ, երևեցան ամենեքեան դինեալք և սաղաւարտեալք, սուր ընդ մէջ և վահան ի ձեռին, ոչ միայն արանց քաջոց, այլև կանանց առնականաց (էջ 55), կամ ինչպես վկայում է Փարպեցին «ռամիկ զաւուացն բազմութիւնն զիմեցին ի տան մոխրանոցի մնալով բնաւ աւագացն հրամանի» (էջ 62):

Ահա և մի այլ վկայություն: Պարսկական մոզպետը Հաղկերտ 2-րդին գրած իր նամակներից մեկում գառը վշտով պատմում է, որ եթե «տնգէն ժողովուրդն այսպէս բռնեացան», ապա ինչ կլինէր պարսիկների վիճակը, երբ

Ն

«ռամիկ ամբոխը միանար բանակին (Եղիշի, էջ 58) և չ'երջապես Դ. Փարպեցին վկայում է, որ հայ ժողովուրդն իր 5-րդ դարի ազատագրական շարժումների շարժիչ ուժը, որովհետև նա մասնակցում էր պատերազմին «ոմանք մերկանդամը, ոմանք զինեալք»: Մեզ համար անհասկանալի պատճառներով հեղինակը այս վկայությունները չի օգտագործել և նրա մոտ 5-րդ դարի ազատագրական շարժումների համաժողովրդական բնույթը չի պատճառաբանված:

Սրանք են մեր կարծիքով՝ ընկ Հ. Հարությունյանի աշխատության հիմնական թերությունները, ի վերջո անհրաժեշտ ենք համարում նշելու, որ նրա աշխատությունը կդառնար ամբողջական, եթե շարադրվեր նաև 481—484 թ. թ. ժողովրդական ազատագրական երկրորդ ապստամբության պատմությունը:

Զի՞ որ 481—484 թվերին Վահան Մամիկոնյանի ղեկավարությամբ ծայր առած ապստամբությունը հանդիսանում է 451 թ. ապստամբության շարունակությունը և տրամաբանական վախճանը: Հայ հերոս ժողովուրդը շուրջ 70 տարի կամ բացարձակ պայքարով, կամ պարտիզանական կռիվներով պայքարեց պարսիկների դեմ և 484 թ. ստիպեց նրանց կնքելու նվարսակի դաշինքը, որով և Հայաստանը ստացավ քաղաքական անկախություն:

Ս. ՀԱԿՈՐՅԱՆ